

# F.A.Q

## Ibadat Korban

### 1- Apa dia ibadat korban (*udhhiyyah*)?

Binatang ternakan yang disembelih untuk mendekati diri kepada Allah *Ta'ala* pada Hari Raya haji dan tiga hari Tasyri'.

### 2-Berapakah umur binatang yang sah dijadikan korban?

Secara ringkasnya disenaraikan binatang korban dan umurnya seperti berikut:

Unta 5 tahun, lembu 2 tahun, kerbau 2 tahun, kambing 2 tahun dan biri-biri setahun atau telah gugur gigi hadapannya sesudah ia berumur enam bulan.

### 3-Apa hukum ibadat korban?

Sunat *muakkadah* (sunat yang sangat dituntut).

### 4-Apa fadhilat melaksanakan ibadat korban?

- Penebus dosa kecuali dosa besar.
- Mendapat hasanah (kebaikan) bagi setiap bulu binatang korban.
- Mendapat kedudukan yang mulia di sisi Allah *Ta'ala*.
- Membentuk peribadi ikhlas, sabar, *qana'ah* (bersyukur), belas kasihan dan tolong menolong.
- Penyembuh penyakit: Rohani, fizikal, mental dan sosial.

### 5-Siapakah yang dikatakan orang yang mampu melakukan ibadat korban?

Orang yang mempunyai lebih harta sebanyak nilai harga binatang korban daripada keperluannya dan keperluan orang yang di bawah tanggungannya pada Hari Raya dan hari-hari Tasyri'.

### 6-Apa hukum orang mampu tetapi tidak mahu melaksanakan ibadat korban?

Makruh (tidak berdosa tetapi tidak disukai oleh Allah *Ta'ala*).

### 7-Bolehkah seekor binatang dikongsi oleh 2 atau lebih *mudhahhi* (orang yang berkorban)?

- Kambing untuk seorang sahaja.
- Unta, kerbau dan lembu boleh dikongsi oleh 7 orang walaupun berlainan niat.

### 8-Bolehkah melakukan ibadat korban di negeri lain?

Boleh.

**9-Apa hukum memindah daging korban ke negeri lain?**

Haram jika daging yang dipindah:

- korban wajib
- bahagian fakir miskin.

Boleh jika daging:

- bahagian orang kaya
- bahagian *mudhahhi*.

**10-Bagaimana cara pembahagian daging korban sunat?**

Harus dibahagikan kepada 3 bahagian:

- 1/3 fakir miskin,
- 1/3 Orang kaya dan
- 1/3 *mudhahhi* .

Tetapi yang afdhal disedekahkan kesemuanya dan memakannya sedikit sahaja (hati).

**11-Adakah wajib disedekah daging korban sunat kepada fakir miskin?**

Wajib disedekahkan sebahagiannya.

**12-Bagaimana keadaan daging itu disedekah dan dihadiahkan?**

Dalam keadaan mentah.

**13-Bagaimana cara pembahagian daging korban wajib?**

Wajib disedekahkan kesemuanya.

**14-Apakah perkara yang diharuskan bagi penerima yang bukan fakir miskin terhadap daging korban?**

- Memakannya.
- Menyedekahkannya dalam keadaan mentah kepada fakir miskin yang Islam.
- Menjamu orang Islam (kaya atau fakir miskin).

**15-Apakah perkara yang dilarang bagi penerima yang bukan fakir miskin terhadap daging korban?**

- Menjualnya samada mentah atau masak
- Menghadiahkannya kepada orang kaya
- Menjamu orang kafir.

**16-Apa hukum melaksanakan ibadat korban bagi orang lain?**

- walau bagaimanapun wali (bapa dan datuk sahaja) boleh melakukan korban daripada hartanya untuk orang yang di bawah tanggungannya seperti anak dan isterinya tanpa izin mereka.
- Tidak boleh bagi orang masih hidup kecuali dengan izinnya.
- Tidak boleh bagi orang yang meninggal dunia kecuali ada wasiat.

**17-Adakah wajib berniat korban?**

wajib.

**18-Bilakah waktu berniat korban?**

- ketika menyembelih.
- Harus juga sebelum menyembelih asalkan setelah ditentukan binatang korbannya dan setelah masuk waktu berkorban.

**19-Bagaimana lafaz niat ibadah korban?**

“Sahaja aku melakukan korban sunat/ wajib/ nazar”

**20-Adakah boleh berwakil kepada wakil kedua untuk melaksanakan ibadah korban dan bagaimana cara berwakil?**

- Boleh,
- *Mudhahhi* berkata kepada wakilnya: “Saya berwakil kepada tuan untuk menguruskan pembelian dan penyembelihan korban sunat/wajib/nazar saya”.

**21-Adakah boleh wakil berwakil lagi kepada wakil kedua dan bagaimana caranya?**

- Boleh,
- Wakil *mudahhi* berlafaz kepada wakil kedua: “Saya diwakilkan oleh.....untuk mewakilkan tuan menguruskan penyembelihan korban sunat/wajib/nazar nya”.

**22-Adakah boleh binatang yang ada aib dijadikan korban?**

Binatang Korban	Tidak sah bagi aib seperti berikut:	Sah bagi aib seperti berikut:
Unta Lembu Kerbau Kambing Kibasy	<ul style="list-style-type: none"> <li>• Tiada bertelinga atau yang terpotong telinganya walaupun sedikit.</li> <li>• Terpotong ekornya atau lidahnya.</li> <li>• Binatang yang kurus yang menjadi kurang dagingnya.</li> <li>• Berkudis walaupun sedikit kerana binasa dagingnya.</li> <li>• Buta sebelah matanya dan butanya itu nyata.</li> <li>• Buta kedua belah matanya</li> <li>• Sangat tempang.</li> <li>• Sedang bunting.</li> </ul>	<ul style="list-style-type: none"> <li>• Tidak bertanduk</li> <li>• Patah tanduknya.</li> <li>• Terbelah telinganya</li> <li>• Berlubang telinganya tetapi tidak hilang dagingnya</li> <li>• Tidak berekor sejak dilahirkan.</li> <li>• Tanggal sebahagian daripada giginya.</li> <li>• Tidak mempunyai zakar.</li> <li>• Binatang yang dikebiri.</li> </ul>